

Lesing 75 - 1 Junie 2022- Die Laatreëns vir Dogter van Sion Bruid

Openbaring 92 - Woord ontvang deur Daniel Grobbelaar
op 12/03/19

"MY Kneg, EK is met julle in die stryd! Wees vol moed en vrede! Spreek met die Swaard van Liefde! Die Oorwinning kom! Gaan gee hierdie Woord waarna EK jou gelei het en gee dit vir MY Dogter van Sion:"

Stryd met die swaard van die mond (deur Bertha Dudde)

6112 Ek wil vir julle vrede bring en tog ook weer die swaard. Maar julle sal nie sodanig mag stry dat julle jul medemens skade berokken nie, dat hy liggaamlik of geestelik moet ly nie, - inteendeel moet julle stryd slegs daartoe dien dat die medemens vrede vind in homself. Julle stryd moet teen die leuen en die dwaling wees, die duisternis, wat julle wel sal kan verjaag, wanneer julle stry met die swaard van die mond, wanneer julle spreek in My Naam.

Indien julle ernstig van plan is om 'n egte stryder vir My en My Ryk te wees, sal julle spreek, gedryf deur My Gees, dan sal julle nie hoef na te dink oor dit wat julle sal sê nie, maar: "Ek sal dit vir julle in die mond lê". En julle sal stry met die swaard van die mond, omdat Ek Self die swaard hanteer. Maar 'n stryd met die wapen in die hand is vêr van julle. Want so iemand sondig teen die naasteliefde en sonder liefde sal julle nooit vrede kan skenk nie, dit sal slegs die hart van die mens in geweldige beroering bring en haat en liefdeloosheid sal probeer om vergelding te vind.

Glo My dat julle julself op 'n harde stryd sal moet voorberei, want mense sal julle aanvat deurdat mense dit wat julle glo as niksseggend en ongeloofwaardig sal voorstel en julle dus ook sal uitdaag om julself te verdedig. En dan sal julle slegs op My moet vertrou, sodat Ek julle die korrekte aanwysings kan gee. En as julle nou aan My kant staan, dan kom daar vir julle van My kant af ook die insig, dan sal julle spreek in My Gees, omdat julle My en My Naam verdedig het. Dan sal julle ware stryders vir My wees, wat in julself die vrede het en dit ook aan julle medemens kan bring. Want slegs Ek kan die vrede laat neerdaal in die harte van die mense, maar vir hierdie vrede sal 'n stryd dit voorafgaan en vir hierdie stryd maak Ek julle geskik, as julle maar net wil toetree tot die leër van My stryders en My erken as julle Leéraanvoerder. Die stryd wat julle vir My en My Naam sal stry is en bly steeds 'n heilige stryd waartoe Ek julle oproep, terwyl daarenteen, 'n geveg met die wapens in die hand, nie My Wil is nie, solank as wat dit slegs gevoer word uit 'n sug na mag en eieliefde, solank as wat elke edele motief ontsê moet word. Stry met die swaard van die mond, sodra My teenstander julle aanval, voer die stryd teen die duisternis, teen die onwaarheid, dan stry julle vir 'n regverdige saak en My ondersteuning sal vir julle verseker wees. Amein.

Openbaring 93 ontvang op 12/03/19

"MY Dogter, MY Liefling! EK IS WAT EK IS! EK IS jou Maker, jou Formeerder, jou VESTING! Hier is MY

Woord en Opdrag aan jou:

Los alle ongeregtigheid, vergewe, genees en word Bekragtig in MY LIEFDE! Dit het nou tyd geword dat MY Dogter skoon gewas word! Dit het tyd geword dat MY Bruid beklee word met SUIWERHEID en TROUHEID! Wees vreugdevol en kom na MY in julle harte! Onthou... Onthou... Onthou die heel eerste Gilgal-Dag! Onthou die Sewe Dae Ramshoring blaas wat julle vir MY gedoen het! Onthou MY Beloftes! Onthou MY Dogter! Onthou Paardekraal en kan julle onthou dat EK daar was en ook in elkeen van julle harte? Het julle vergeet wat die daad van die Blou Hammer beteken het? Kan julle sien hoe dit in vervulling gegaan het en steeds gaan op verskillende vlakke? MY Dogter, onthou jy die ring? Die ring wat nooit geskei kan word nie? Onthou jy MY Woord aan jou? Onthou jy MY Visioen aan jou reg aan die begin?

EK is altyd met jou en sal jou NOOIT verlaat nie! EK wil jou terug hê daar na waar EK jou geroep het! EK weet MY Dogter, jou hart is in skerwe en voel geskeur, die stryd is hard en die las daarvan swaar. Maar laat MY oorneem! Laat MY toe om jou las te dra! EK IS LIEFDE! Vir julle wat WIL, kom en laat MY LIEFDE julle omhels... OPNUUT! Kom ontvang van MY, NUWE KRAG! NUWE LEWE! Kom en word versterk en kom drink van MY Fontein van Lewende Waters – en word verfris in die gees en laat jou hart verkvik word.

MY Dogter van Sion, jy is GEROEP tot KRAG en as GETUIE van MY Waarheid en Liefde! Laat nou die nuwe Dag in jou hart aanbreek en GENEES jou wonde deur MY Hande van Barmhartigheid! Onthou, EK verlaat jou nooit, maar jy kan MY verlaat. Daarom, word stil in jou hart en vertoef saam MY, EK, EK wat jou ENIGSTE VERLOSSING IS! JAHSHUA! EK VERLOS! EK RED! EK MAAK ALLES NUUT!

Let op julle woorde en dade! Vra julself af of enige iets wat julle doen of spreek vanuit die LIEFDE voortkom, of vanuit eie-liefde. EK wil hê dat MY Dogter van Sion nou genees en OPSTAAN vir MY! PAARDEKRAAL! Hoor die Stem van MY LIEFDE: EK IS SPREEK! Geen ongeregtigheid, liefdeloosheid, leuen of besoedeling sal voor MY Aangesig staande bly nie! Hoor MY Dogter van Sion! Hoor MY Boerevolk! Die Nag wat deur MY Profeet van gespreek was is op jou! Maar weet, dat julle wat GEWAS het en na MY gekom het, julle sal BESKERM en BEKRAGTIG word ter voorbereiding vir die NUWE DINGE! **Die Laer wat EK opgerig het sal verseël bly, MY LAER VAN LIEFDE!**

Doen volgens MY Wet van LIEFDE en julle sal LEEF in MY, saam met MY en vir MY! Vind troos in MY Beloftes en handel volgens MY Voorwaardes. Geseënd is die hart wat LIEFDE verkieks en edel is die VOLK deur MY HAND uitverkies!

MY Dogter, fokus weer op MY met dapperheid en nederigheid! Veg vir MY met MY Swaard van LIEFDE en HOOR MY Stem wat Woorde van Waarheid spreek! Let op die GEES, let op Haar en kyk uit! VERWAG MY NOU!"